



Broj: 01-34-1-1012-2/15
Tuzla, 02.11.2015. godine

Na temelju članka 61. stav. (2) Zakona o upravi („Službeni glasnik BiH“ broj: 32/02 i 102/09), članka 27. stav. (1), (3) i (4) Zakona o plaćama i naknadama u institucijama Bosne i Hercegovine („Službeni glasnik BiH“, broj 50/08, 35/09, 75/09, 32/12, 42/12, 50/12 i 32/13), članka 6. Odluke o okvirnim kriterijumima za dodjelu novčane nagrade zaposlenim u institucijama Bosne i Hercegovine broj: VM64/10 od 25.03.2010. godine i Odluke o kriterijama, mjerilima učinaka i postupka ostvarivanja novčane nagrade u Agenciji za antidoping kontrolu broj: 01-02-3-167/15 od 10.03.2015.godine, ravnatelj Agencije za antidoping kontrolu, donosi

RJEŠENJE
o dodjeli novčane nagrade


1. **Amiru Avdagiću**, rukovodećem državnom službeniku – pomoćniku direktora za administraciju, međunarodnu saradnju i odnose sa javnošću u Sektoru za administraciju, međunarodnu saradnju i odnose sa javnošću za postignute uspjehe u radu, koji su rezultat dodatnog angažiranja u periodu januar - oktobar 2015. godine, dodjeljuje se novčana nagrada u iznosu od 25% od njegove osnovne plaće odnosno u iznosu od 443,28 KM.
2. Dodjeljena novčana nagrada isplatit će se uz obračun ličnih dohodaka za mjesec oktobar 2015. godine.
3. Za realizaciju ovog rješenja zadužuje se Sektor za administraciju, međunarodnu saradnju i odnose sa javnošću.
4. Ovo rješenje se objavljuje na oglasnoj ploči i internet stranici Agencije za antidoping kontrolu.

Obrazloženje

Postupajući u skladu sa Odlukom o o kriterijama, mjerilima učinaka i postupka ostvarivanja novčane nagrade u Agenciji za antidoping kontrolu broj: 01-02-3-167/15 od 10.03.2015.godine ravnatelj Agencije za antidoping kontrolu BiH podnio je prijedlog za dodjelu novčane nagrade Amiru Avdagiću za mjesec oktobar 2015. godine u iznosu od 25% njegove plaće. Imenovani rukovodeći državni službenik je u periodu januar -oktobar 2015. godine kvalitetno i učinkovito obavljao radne zadatke prije planiranih rokova uključujući i izvršavanje vanredno povećanog obima posla pomoćnika direktora u odnosu na obim utvrđen planom rada. Imenovani je privremeno obavljao poslove drugog radnog mjesta koje je upražnjeno – pomoćnika direktora za antidoping kontrolu, prevenciju, edukaciju, istraživanje i razvoj, čime je osigurano kvalitetno i učinkovito obavljanje zadataka iz programa rada Agencije za antidoping kontrolu. Uvidom u dosije imenovanog konstatovano je da je Amir Avdagić ocjenjen za svoj rad sa najvišom ocjenom od početka rada do zadnje ocjene (30.06.2015. godine). Imenovani je obavljao i poslove koordinacije rada između dva sektora Agencije i na taj način doprinio uspješnosti rada institucije, mimo poslova propisanih Pravilnikom o unutrašnjoj organizaciji i sistematizaciji radnih mjesta. Imenovani je u mjesecu oktobru 2015. godine imao vanredno povećanje obima posla u odnosu na obim utvrđen planom rada pa je radio u dane vikenda i to: učešće u radu naučnog simpozija „Nove tehnologije u sportu“ (10.10.2015. godine), sastanak sa doping kontrolorima Zenica, učešće na edukaciji „Zenički polumaraton“, edukacija za „Atletski savez BiH“ u Zenici (11.10.2015. godine), učešće u radu 26. Međunarodnog kongresa u Beogradu 17. i 18.10.2015. godine. Navedeni poslovi su podrazumjevali radni angažman van radnog vremena te je rad imenovanog doprinijeo unapređenju funkcionisanja Agencije za antidoping kontrolu. Imenovani je kvalitetno i učinkovito obavljao zadate poslove prije planiranih rokova, kao i poslove vanredno povećanog obima zadataka odnosno radnog mjesta u odnosu na obim utvrđen planom rada. Analizirajući plan i realizaciju radnih zadataka utvrđenih za period januar - oktobar 2015. godine konstatovan je veliki broj gore navedenih aktivnosti mimo plana te na osnovu svega navedenog donijeto je rješenje kao u dispozitivu.

POUKA O PRAVNOM LIJEKU

Protiv ovog rješenja može se izjaviti žalba Odboru državne službe za žalbe Vijeća ministara BiH, u roku od osam (8) dana od dana uručenja rješenja.



Dostavljeno:

- imenovanom
- Sektor 02
- a/a